

中國邊疆史志集成

西藏史志

第二部
2

全國圖書館文獻
縮微復制中心

猶現在查出伊從前在藏之時於福寧擅
借庫項一事知而不奏實屬有心徇隱著
交部嚴加議處至此次福寧私借庫銀並
非例應在四川呈繳之款既據福寧於路
過成都時呈出此項勒保自應一面收明
將藏一面據實參奏何以該督亦未奏及
殊屬非是勒保著傳旨申飭究竟此項銀
兩福寧係於何日呈交四川藩庫四川省
於何時搭解赴藏及藏內曾否收到歸款
著勒保督同藩司重加增詳晰查明據實
具奏

五月

己酉

謝吏部議處英善前在駐藏

大臣任內並不參奏福寧擅借庫項議以
降三級調用一摺英善前在四川軍營於
教匪起事之初辦理不善姑予薄懲降為
四品頂戴派令赴藏嗣以其駐藏數年游
加陞擢用至左都御史正黃旗漢軍都統
本係加恩棄瑕錄用乃伊自任台長以來
旅進旅退從未陳奏一事朕時常召見面
加詢問伊於內外政治亦毫無建白茲查
出伊前駐藏時於同官私挪庫項徇隱不
舉是英善竟係年老蒼獘不肯實心任事

之人著即照部議降三級調用並革去花翎

六月癸巳四川總督勒保遵

旨覆奏遵

即督同藩司董教增檢查司庫收銀冊檔緣福寧在藏向糧台借支銀二千八百兩於上年六月十八日回藏回京路過成都時呈交藩庫雖時奴才赴京陛見並未在川是以未知其事至本年三月間因委員史欽義解餉赴藏經藩司詳明將福寧交存司庫銀二千八百兩解藏還款彼時未經據實補行參奏實屬咎無可辭茲蒙

逾格恩惠不加嚴謹僅令傳

旨

申飭益令惶悚之餘更增感激

報聞

甲午駐藏辦事大臣玉甯文弼奏前經奴才
文弼奏調來藏之候補知縣宋潤驍騎校
富海滿營兵丁四名奴才等審辦案件俱
已完結候補知縣宋潤驍騎校富海兵丁
四名均於即日飭令回省當差得 旨
覽

八月壬辰

謝據玉甯等將革退前藏噶

布倫札薩克喇嘛堅巴多卜丹遺缺擬定
正陪人員奏請補放前來著照玉甯等所

此發往諭旨詳晰宣示令其俯首帖服然後將藏內操演兵丁防守要隘及補放噶布倫第巴等事一一酌定章程並於紅教相沿不致濶入黃教之處密為加意防範巴忠務俟諸事俱臻完善再行回京

同日

諭慶麟抵藏後任意修飾房屋諸事廢弛又將巴勒布呈進表文聽信索諾木旺扎勒之言隱匿不奏是以前降諭旨將慶麟在彼枷號三年但枷號慶麟之意特為駐藏大臣官員示儆非以垂戒唐古特人也打箭鑪為入藏通衢大臣官員俱

由該處經過觸目做心足昭炯戒著將慶
麟解赴打箭鑪加號三年不必在藏辦理

乙卯

諭據鄂輝等奏收復宋喀地方後

因連降大雪官兵暫行守候見在覓路速
進即行傳喚該頭目來營大約三月內可
以完事藏內辦出糧餉足資接濟等語巴
勒布頭目前據奏在交界外地方聽候官
兵到彼欲行申訴鄂輝等務宜作速前進
酌量雪勢稍薄可以行走之處繞至聶拉
木濟隴亟為收撫即問明該頭目等起營
情由遵照節次諭旨剴切宣布總在懾服

伊等之心使永遠不敢侵犯立定界址即行撤兵勿致久稽時日也

三月己卯

諭軍機大臣等鄂輝等奏見

小路恢復索喀復因該處積雪甚深阻滯不能前往萬一軍糧不濟或兵丁不耐寒冷不服水土致多傷損轉屬於事無益聶拉木濟龍二處究係偏僻小地無甚緊要理應將兵撤回朕此旨到時若雪已融化鄂輝業經前進傳喚巴勒布頭目來營諸事辦妥固屬甚善儻積雪未消我兵既不能前往巴勒布頭目亦不能前來鄂輝等

不必固執前旨不敢撤兵朕反復思之此時竟以暫行撤回為是但撤兵時須於噶布倫內擇一能事可信者並揀藏內舊有官兵及鄂輝等帶有屯練內熟習唐古特話之人各派一名會同前往巴勒布地方諭以從前噶布倫索諾木旺扎勒侵漁商人第巴桑幹私行增稅及爾等投遞呈詞又不代為陳奏大皇帝已一切鑒知故將索諾木旺扎勒桑幹俱分別懲治爾等縱有屈抑亦已伸雪前因衛藏並未豫備內地大兵相離較遠致爾等槍掠聶拉木濟

隴宗喀等處追奉旨調兵前來又遇雪阻
實是爾等微倖萬一今以大兵不宜在此
久駐暫行撤回爾等若倚恃雪阻於官兵
撤回後復敢互有侵犯我兵退駐藏內爾
等於春夏時滋擾即行痛加剿戮若仍俟
冬雪之時藉以抗拒試思爾等既至藏界
歸途豈獨無雪我兵當乘勝掩殺絕其後
路不令一人生還彼時追悔何及如此明
白指示令噶布倫等傳知伊等如何登答
亦令噶布倫轉行稟復即可知其誠偽此
事亦不必明言諭旨即作將軍大臣之意

一面遣人前往一面即將官兵撤回在
什倫布等候俟噶布倫等回時再行撤回
前藏但撤回之後或巴勒布再有蠢動亦
難保其必無鄂輝等當與巴忠會議或於
此次所調達木兵內及伊等帶往應行換
班之兵共揀選一二千名作為後護仍留
在藏不時演習以備不虞更為周妥著傳
鄂輝等即行熟商定議迅速奏聞

四
月癸巳

諭軍機大臣等鄂輝等奏已

勒布人等一聞大兵掩至俱未敢抗拒即
先行逃歸本處業將濟隴被搶之地收復

並安撫邊避之庸古特人等見復傳喚巴
勒布之頭目俟到來時曉諭後再行奏聞
等語鄂輝等此次辦理巴勒布事務尚屬
周詳鄂輝成德巴忠穆克登額張芝元均
著加恩交部議叙兵丁著各賞給一月錢
糧

甲午

諭軍機大臣等此次巴勒布侵擾
後藏邊界總由衛藏距川省內地道路險
遠糧運艱難調兵赴剿一時不能速到以
致宗喀濟隴聶拉木三處均被搶占見經
鄂輝等帶兵前往看眾畏懼先行退避昨

據該將軍等奏巴勒布所占地方業經全
行收復邊界廓清其大頭人為雷所阻俟
天氣晴暖即前來叩見再宣諭威德曉以
順逆令其輸誠歸服永遠王化即次第撤
兵等語巴勒布原因與唐古特人眾爭競
故至後藏邊界侵擾今經鄂輝等向其頭
人剴切曉諭番眾等懷畏天朝威德從此
自不敢再犯邊界但兵可百年不用不可
一日無備而軍行糧隨尤關緊要四川為
產米之鄉向來米價最賤朕嘗閱該督奏
報糧價清單至打箭爐地方每米一百石

卽需銀四五兩不等自由該處距省已遠
兼之地方硤确山徑險峻產米較少販運
維艱是以價值比內地數倍增昂況打箭
爐以西口外地方其糧價較之打箭爐自
必更須加增與其待需用之時臨期挽運
不特緩不濟急抑且費用不貲莫若於尋
常無事糧價平減之際交地方官採買儲
備擇其易於運送時由雅州一帶陸續運
至打箭爐及察木多兩處分貯備因口外
難運不妨交使人零星帶運不拘石數但
能源源運往即可積少成多設遇徵調需

用易於就近裹帶以利通行而資口食況
打箭鑪察木多等處糧價本昂節年運往
之糧出陳易新所得盈餘又可供零星運
脚之費既可不至虛糜而於邊儲更屬有
益著傳諭李世傑即通盤籌畫將川省內
地米石價值若干由雅州運至打箭鑪需
用脚費若干由打箭鑪運至察木多
需費若干並將來出陳易新能否敷運脚
之用及如何酌定章程妥協辦理之處詳
細查明悉心確覈議奏至藏內向來亦無
儲備此次調兵赴勦口糧一項慶麟等辦

理不善始則擾之內地繼復不將給價之處晚諭喇嘛及唐古特人等紛紛派辦幾至該處人衆受累抱怨經朕屢次訓飭為之多方籌畫並令巴忠傳旨剴切開導伊等始皆踴躍輸供得無貽誤但以官兵所用取給喇嘛商上雖寬予價值究屬不便嗣後應於藏內附近處所就近採買青稞糴粃等項妥為儲蓄於支放兵糧時出陳易新既可以有備無患亦不至蠹朽為虞自屬妥善其如何定列章程之處著傳諭巴忠舒濂普福等會同妥議具奏至巴乾

布之搶占宗喀等處地方總由藏內番兵
素未訓練且零星徵調先後不齊加之懦
怯成俗一見賊匪即行退回不能固守所
致屢經有旨諭令巴忠等將來應定擬章
程認真操演以備巡防著再傳諭巴忠等
即於籌辦善後事宜時遵照妥議並將此
二事告知達賴喇嘛與噶布倫等悉心商
酌此係朕為保護衛藏僧番人等起見想
達賴喇嘛等聞知自無不感戴樂從也將
此由六百里各諭令知之

辛丑

諭前降旨將慶麟示戒枷號三年